

মিয়ানমারে প্রতিরোধ যোদ্ধাদের হামলায় ৯০ সেনা নিহত  
নয়া দিগন্ত ডেস্ক ২০ জুন ২০২২, ০১:৩৩

পাঁচ দিনে প্রতিরোধ যোদ্ধাদের হাতে মিয়ানমারের ৯০ সেনা নিহত হয়েছে। এ সময় উভয়পক্ষের সংঘর্ষে প্রাণ গেছে চার প্রতিরোধ যোদ্ধার। মিয়ানমারভিত্তিক সংবাদমাধ্যম ইরাবতি স্থানীয় কয়েকটি প্রতিরোধ গোষ্ঠীর বরাতে হতাহতের খবর দিয়েছে। খবরে বলা হয়েছে, গত ক’দিনে সাগাইং ও ম্যাগওয়ে অঞ্চলে জাঙ্গাবিরোধী বাহিনী পিপলস ডিফেন্স ফোর্সেসের (পিডিএফ) সাথে তীব্র লড়াই হয়েছে।

গতবছর ১ ফেব্রুয়ারি সু চি সরকারকে উৎখাত করে ক্ষমতা বসে সামরিক সরকার। এর বিরুদ্ধে অবস্থান নিয়েছে দেশটির লাখ লাখ বেসামরিক নাগরিক। সরকারবিরোধী আন্দোলনে কয়েক হাজার বেসামরিক নাগরিক নিহত হয়েছেন। ছোট ছোট সশস্ত্র গোষ্ঠী লড়াই করছে সেনাদের বিরুদ্ধে।